

stirpis Vendomensis. Ad hoc Opidum ultra Æliam initium capit Bellovacensis Ditionis. Sub Silvanectensi denique præfectura, simulque sub Valesio Ducatu est *Comitatus Bellovacensis*, *Conte de Beauvais*, *Beauvoisin*, Metropolim habet *Bellovacum* sic nomen Opidum, quod vulgo *Beauvais*. Apud Cæsare, ut Nob. Vir Iosephus Scaliger scribit ad Merulam, *Bratuspantium*, addens sub Cæsaribus transnominatum *Casaromagus*. *Bratuspantium* tamen, ne quid dissimulemus, Carolo Bovillo pagus hodie putatur *Granviller*, vel *Grattepance*: aliis *Clermonten Beauvoisin*; Vigenereo *Beaumont ad Æsiamp*. Est autem *Bellovacum* urbs situ, amœnissimo, ad sitos habens Montes fertiles non adeo excelsos, inde Agros excipiendæ Sementi commodos. Nec defunt Vina. Incolis præsertim Fœminis, magna sunt privilegia, ab Ludovico XI Francorū Rege ipsis concessa, an. cccccclxxii quod Carolus Burgundiæ Ducem obsidione solvere, reque infecta abire coegerint. Haud procul Bellovaco est *Claramontium*, *clermont*: Opidum est arce munitum. Hæc de *Valesio*: sequitur tertia Franciæ pars *Heurepense Territorium*, *Heurepois*. Initium capit ad Sequanam, sub ponte Parisiensi, qui parvus cognominatur; secusque eundem fluvium procurrit Corbolum, Melodunum & Moretum, ubi Verina Amne, qui in Lonium se exonerat, se jungitur ab Gastinensium Agro. Adhæret Briensibus, ubi respicit Fanum, cui cognomen ab S. Columba Grandi apud Senones. Continet autem Vicecomitatum & Baillivatum *Melodunensem*, Metropolis est *Melodunum*. Nomen hoc perperam apud Cæsarembis est infultum; pro quo veteres omnes scripti codices Commentariorum de Bello Gallico habent *Metiosedum*. Verum quidem est *Melodunum* & *Metiosedum* unum idemque Opidum esse: sed *Melodunum* posterius est, hodie *Melun*, in Insula Sequanæ, instar Lutetiae Parisiorum. *Melodunum* arce validum est. Quod Opidum bonis piscibus, præcipue Cancris suavissimis, nobilitatum & celebre, nunc *Corbueil* vulgo *Corbolum* nominatur in Vita S. Petri Tarentasii. Habet & hoc cum multis aliis Arcem. *Fons Belle-Aqua*, vernacule *Fontaine-Belle-eau*: Secessus Regum amœnissimus quietique aptissimus: vere palatium; Domicilium olim S. Ludovici, post Philippi, postremo Francisci Valesii. Multa ibi Singularia. Quartum in Francia locum dedi *Gastinensium Ditioni*; vulgo *Gastinois*: quæ ab Heurepensi separatur Verina fluvio. Comprehendit sub se *Ducatus Stampensem* & *Nemurcensem*, *Comitatumque Rupis-Fortis*, & alios. *Stampa*, *Estampes* vulgo, Opidum medio inter Lutetiam Parisiorum & Genabum Aurelianensium itinere, ad lunnam fluvium Cammarorū, qui delicatissimi, parentem largum, ad Corbolum in Sequanam se exonerantem, Ducatus (qui olim Comitatus fuit) claret dignitate *Nemursum*, *Nemours* Opidum ad Lonium fluvium, qui paullo infra Moretum Sequanæ concurrit. Inter Ducatus Franciæ etiam non postremi loci. *Rupis-Fortis*, *Roche fort* Gallo-Romanis dicta, Comitatus gaudet titulo. In Gastinensium quoque Ditione cum *Milio* & *Moreto* (quod Limes Gastinenses inter & Heurepenses) utroque Arce prædito, aliisque Opidis est *Montargium*, quasi *Mons-Argi*, ut quidam ratiocinantur, quod in circuitu ad spectus ejus procul extendatur. Incendio vastatum circa annum c. 1512, postea renovatum fuit. Arcem & hoc habet, in qua depicta visitur historia Canis Venatici, qui Heri sui mortem vindicavit, occiso eo, qui necem illi attulerat.